

# NY VALOSOA

Gazety misheo intelo isan-kerinandro  
(Talata - Alakamisy - Sabotsy)

## VAOVAO

Sabotsy 16 jolay 2022

Laharana 1320

Vidiny : 500 Ar

Fitaterana Ambohitrimanjaka 7  
900 Ar ny saran-dalana,  
mihena ny risipon'ny  
olona mandeha taksibe

[www.gvalosoa.com](http://www.gvalosoa.com)[gvalosoa@yahoo.com](mailto:gvalosoa@yahoo.com)

facebook : gazety valosoa rakoto

**Fetim-pirenena Frantsay** 2

## Mahay mifandray amin'ny rehetra ny filoha Ravalomanana

**Vondrona ALDR – KMSI** 2

## Miantso ny FFKM, ny CFM, ny HCDDDE hitarika ny fikaonandoham-pirenena

**Fitondrana Rajoelina** 2

## Fitondrana gaboraraka manara-penitra

**Mpanao gazety Ony Rambelo** 3

## Nalevina any amin'ny fasan- drazany eny Ambatomirahavavy

**Morondava** 6

Tratra ilay namono olona tamin'  
ny fomba feno habibiana

**Alumni Enrichment Institute** 3

Tanora Malagasy sy Kaomôriana 4  
voafantina hisitraka izany any Etazonia

**Daka kely**

Resaka «frais» : tsy asian'ny  
mpitatitra sira mihitsy  
ny teninareo ry Boaikely a !

## FETIM-PIRENENA FRANTSAY

## Mahay mifandray amin'ny rehetra ny filoha Ravalomanana

**N**anatrika ny fankalazana ny fetim-pirenena Frantsay, ny 14 jolay, teny amin'ny tranon'ny Masoivohoh Frantsay eto amintsika, teny Ivandry afak'omaly, ny filoha Marc Ravalomanana, filohan'ny rodoben'ny mpanohittra RMDM, sady filoha nasiōnalin'ny antoko TIM. Toy ny isan-taona, tamin'ny tsy nisian'ny valanaretina coronavirus dia niatrika izany fetin'ny Renimalala izany hatrany ny filoha Ravalomanana dia izao efa nohalefahana izao indray ny fepetra ara-pahasalamana dia tonga teny Ivandry izy nanome voninahitra ny fety teny an-toerana. Nandritra izany, niresaka tamin'ny sokajin'olona rehetra izy, satria hainy mifandray amin'ny rehetra, niresaka tamin'ireo masoivohoh vahiny monina sy miasa eto amintsika, niresaka tamin'ny mpitondra niatrika izany lanonana izany, nitafa tamin'ireo mpanao politika, ny mpandrahara, ny mpitondra fivavahana, hatramin'ny olon-tsotra,... dia nifandray tanana sy nikoragna taminy avokoa. Nohararaotin'ny mpanao gazety teny an-toerana koa ny nanontaniana azy mahakasika ny raharaha-pirenena, mbola nanamafy ny filoha nasiōnalin'ny TIM sy ny RMDM, fa tena mijaly sy fadiranovana ny vahoaka Malagasy amin'izao fotoana izao, noho izany, ilaina ny fikaonandoham-pirenena, hijerena vahaolana maharitra, hivoahana amin'izao krizy ara-potika, sy ara-toe-



Ny filoha Ravalomanana sy ny Ambasadaoro Frantsay, teny Ivandry.

karena ary ara-tsōsialy mianjady amintsika izao. Ny fifanatonana sy ny fifampidinhana ihany hoy izy, no anisan'ny lalana hialana amin'ny mety ho korontana vokatr'ireo krizy lalina mahazo antsika ireo izao.

*Isambilo*

Raharaha-pirenena

## Mijoro ny Komity Manohana an'i Marc Ravalomanana any Toliara

Ho fiatrehana ny raharaha-pirenena, indrindra fifidianana filoham-pirenena ho avy eto amintsika, na ho amin'ny taona 2023, na mialohan'izay, na afaran'izany, mijoro any Toliara amin'izao fotoana ny KMMR, na ny Komity Manohana an'i Marc Ravalomanana. Natao ny alarobia teo tokoa tany Toliara ny fam-pijoroana "PlateForme", na ny vovonana KMMR, "Komity Manohana an'i Marc Ravalomanana, ka ny kôlônel Rabe Jules, Lehiben'ny Faritra AtsimoAndrefana teo aloha, tamin'ny fitondran'ny fi-



Ny kôlônel Rabe Jules.

loha Ravalomanana no nankatoavin'ny tany an-toerana hitarika azy, izany dia ivondronan'ny rehetra tsy ankanavaka mahatsapa fa latsaka an-katerena ny firenena, ary tsy mandeha amin'ny tokony ho izy ny fitantanana ny firenena amin'izao fotoana izao, ka mila fanavotana. Ao anatin'izany vovonana izany ny RMDM, ny TIM, sy ireo antoko sy fikambanana maro samihafa, resy lahatra amin'ny pôlitikan'ny filoha Marc Ravalomanana any amin'ny faritra Atsimo Andrefana.

*Niaina*

Vondrona ALDR – KMSI

## Miantso ny FFKM, ny CFM, ny HCDDED hitarika ny fikaonando-ham-pirenena

Nanao valandresaka ho an'ny mpanao gazety, tao amin'ny hotely Tsiky Ambohijatovo ny vondrona ALDR (Antoka ho amin'ny fahalahahana sy Lamine Demokratika anaty Rafimparitra) sy ny KMSI (Komity Miaro ny Soa Iombonana) omaly zoma 15 jolay 2022, manoloana ny zavamisy eto amin'ny firenena. Nisy ny fanambarâna nivoaka tamin'izany, izay nosoniavin'i Randrianirina Jean Ignace sy Ramahenina Ranaivo Bruno. Mandalo fo-toan-tsarotra ny firenen-tsika ankehitriny hoy izy ireo, sahirana ny fokonolona, aoka izay ny fifamezan-tsiny, fa andao hiombon-kevitra hijerena ny lalan-kivoahana, na ara-toekarena, na aratsosialy, na ara-politika, ho an'ny tanindrazantsika iombonana, amin'ny alalan'ny fifampiresahana.



Ny ALDR-KMSI, nitafa tamin'ny mpanao gazety tetsy Ambohijatovo omaly.

Koa miantso ny rafi-panjakâna mijoro ny vondrona KMSI sy ALDR dia ny Komity ny fampihavanaugh Malagasy CFM, sy

ny Mpanolotsaina Ambony ho Fiarovana ny Demokrasia sy ny Tany Tandalâna HCDDED ary ny ray amandreny ampa-

nahy to teny dia ny Fiombonan'ny Fianganana Kristiana eto Madagasikara FFKM, ny handraisani'zy ireo andraikitra

hitondrâna ny adihevitra amin'ny alalan'ny donakafom-pirenena. Aoka hoy ny fanambarâna ny tombontsoa ambonin'ny firenena, no ho banjinina dia ny fanatanterahana ny adi-hevitra mikasika ny lâlana rehetra momba ny fididianana, ka ho akapoka ho iray ny rafitra handamana izany tsy hitanila, ka handraisani'ny rehetra anjara : inclusif ary ekena ny voka-pifidianana hivoaka ao. Izay isika hoy ny fanambarâna vao miroso amin'ny fididianana. Miantso ny hery rehetra izahay hoy izy ireo, mba ho tanterahina faran'izay hain-gana raha azo atao mba alohan'ny faran'ny taona ny adihevitra mikasika izany. Loza mampihetry ireo andraikitra hina fananana, ny soa iombonana ary ny fahave-rezan'asa. Teo ihany koa ny fanagadrâna noho ny baiko politika amin'ny hevitra tsy mitovy, ka ny Tenerana ihany no tokony hampanjakaina. Noho izany, miangavy ny mpanao politika izahay hoy ny ALDR sy ny KMSI, sy ny vahoaka mpanaradia, mba ho tony ary tsy hifampihantsy mety hite-raka fampisaraham-bazana indray, noho ny te-tika maloto. Firenena iara-hama-nana ity, ka anaovanay antso ho an'ny rehetra, aoka izay ny hevi-dravina sy ny hevi-dratsy na ho an'ny mpanohittra na ho an'ny mpitondra, hoy ihany ny fanambarâny ireo.

*Helisoa*

## Ny Valosoa sy fakafaka

Fitondrana Rajoelina  
Fitondrana gaboraraka  
manara-penitra

Tsy misy tsy miteny eny rehetra eny ankehitriny, fa baranahiny tanteraka na gaboraraka mihitsy ny fitondram-panjakana malagasy amin'izao fotoana izao, izay tarihan'ny filoha Andry Rajoelina. Izany rehetra izany dia noho ny tsy fahaiza-mitondra mihitsy hoy ireo olon-tsotra mba te-haneho ny heviny tamainay, ka na dia nifidy tovolahy tsara tarehy, bôgôsy aza tamin'ny 2018, dia nilaza fa nanenina ihany satria tsy afa-po tamin'ireo antsoantso natao hatramin'izay, sy ireo velirano diso adiresy, tamin'ny fitarihana vahoaka, sy ny fandrodanana natao tamain'ny taona 2009, ny teteza MITA lasa teteza-MITATRA, ny lalam-panorenana tsy ara-drariny, sy ny maro hafa... Ankehitriny, mafy noho ny mafy ny zava-manjo, tsy tanteraka ny ankamaroan'ny antoka sy toky izay nomena, ka na ny nampidina vidin-tsolika aza tany aloha tsy mba natao, fony mbola afaka nanao izany, ka ankehitriny dia tsy mahita vaholana mihitsy raha vao tratr'izao fisondrotana mahery vaika izao, ka na ilay saran-dâlana nataony aza dia efa tsy mety ho an'ny mpandeha, nefo tsy rariny ihany koa ho an'ny mpitaititra. Ny mpanao fitateram-bahoaka dia ireny efa mampihâtra ny anjarany ireny, fa ireo mpamily taxi koa dia milaza fa tsy hanefa ny hetrany, tsy hanao ny DDT nifanarahana, raha tsy misy valiny ny zavatra nangatahiny : toy ny fanaofana ny taxi-moto, ny tsy famoahana ireo "licences" marobe nangatahina. Manampy trotraka izany ny toetra ratsy naseho teny amin'ny petite vitesse, izay manao famaritana sahady, faritra ho an'ny teleferika, nefo tsy misy fampandrenesana mialoha akory. Ary efa tsy maty ao an-tsain'ny tsirairay intsony koa ny raharaha fitokonana ataon'ireo mpiasam-panjakana maro samihafa, mpianatra ambaratonga ambony, ireo mpitsabo mpanampy, sns...

Raha fintinina dia gaboraraka manara-penitra, no ilazana izany rehetra izany, gaboraraka manara-penitra ny fitondrana Rajoelina. Miampy ny raharaha Jirama ohatra, ny varotra lavanila, ny fahaverezan'ny volamena, ny vidin'entana midangana, ny fanoheran'ireo mpivaratra eny amin'ireo tsena maro, tsy manaiky ny SMGD sy ny maro hafa..., ka mahatonga ny feo maro miakatra manao hoe: mialà re-hefa tsy mahavita intsony.

*Beharo*

## Ny Valosoa sy hadihady

## Faritra Menabe

## Sahirana amin'ny fitrandrahana vaovao ireo mpanao gazety

**T**sy ny any an-drenivohitra ihany, fa sahirana amin'ny resaka fitrandraham-baovao koa ny any amin'ny faritra amin'izao fotoana, noho ny antony samy hafa: ao ireo loharanom-baovao tsy misokatra ny fanomezany vaovao, ao ny teritory amin'izay asa fanaovan-gazety izay, ny tsy fisian'ny fiarovana ho an'ny mpampita sy mpizara vaovao manao fanadihadiana lalina, sy mampitsakafona loha-hevitra isan-karazany.... Anisan'ny manana olana amin'izay fitrandraham-baovao izay amin'izao fotoana ny any amin'ny faritra Menabe. Manomboka sahirana ireo mpanao gazety ato amin'ny faritra Menabe amin'ny fidrandrahana vaovao, satria dia misy ny tsindry sy sakatsakana, satria vao tsy ela izay no nahenohana fa misy baiko ho fanilihana ny mpanao gazety izay tsy mpomba ny fitondrana avy any ambony any, hoy ny tompon'andraiki-panjakana iray ary isan'ny niantefan'izany resaka izany moa ny mpanao gazety eto amin'ny gazety Ny Valosoa Vaovao. Tsy vitan'izay fa misy koa ny ramatahora izay miseho isan'andro ataon'ny mpiara-dia amin'ny fitondrana ary vao ny alarobia teo no nahazo antso avy amin'ny namana tsara-sitrapo koa ny mpanao gazety, fa misy olona manaraka akaiky ary mety hamoronana dossier, satria tsy mety amin'ny sasany ny marina miwoaka. Hatreto dia mitaintaina isaky ny manao ny asa ary hitan'ny olona sasany izany fanaovana tsinontsiona ny mpanao gazety izany dia manao koa izy ireo

toy ny tranga izay niseho tamin'ny alatsinainy teo tamin'ny mpanao gazety roa vavy dia Razafindrakely Suza avy ao amin'ny radio RVS Morondava sy Amicko Philbert avy ao amin'ny radio Antsivabé Morondava, tonga nitrandraka vaovao teny amin'ny toby fiantsonan'ny fiarakodia izay manao ny zotra Nasionaly, nataon'ireo mpitatitra tao amin'ny koperativa Contrasam tsinontsinona ary nihàran'ny herisetra ara-moraly sy ny fanevatevana ary ny fanambaniana ny gazety sy ny asa fanaovan-gazety ary tsy nahazo fanazavana mikasika ny fampiakarana ny saran-dalana, satria moa ity kaoperativa ity dia isan'ny tonga dia nampiakatra ny saran-dalana ho dimy alina ariary, raha mbola tsy nisy toromarika nivoaka akory. Miaina ao anaty teritory tanteraka ary toy ny tsy misy mpiahy ny mpanao gazety ato Menabe amin'ny fanatanteraha ny asany, tsy vitan'izay fa sady tsy hita ary tsy hahenoana feo ny filoha lefitry ny OJM ato Menabe na dia maro aza ireo tsindry izay efa nitarainan'ny mpanao gazety tamin'ny filoha lefitra dia ny valin-teny azo tamin'izay dia ny hoe: mbola hivory isika dia namboka teo no tsy hita izy na ny fankalazana ny 3 Mey aza tsy natrehany. Efa miezaka mandray ny andraikiny ihany ny fikambanan'ny mpano gazety aty Menabe, nefo mila ny fanampian'ny rehetra, satria zon'ny olom-pirenena rehetra ny hahazo vaovao marina sy maro lafy.

Rajepa

Mpanao gazety Ony Rambelo  
Nalevina any amin'ny fasan-drazany eny Ambatomirahavavy



Ny fanaovam-beloma farany, ny nofo mangatsiakan'i Ony Rambelo teny Ambatomirahavavy omaly.

Omaly no nanaovam-beloma farany ny nofo mangatsiakan'ny namana mpanao gazety Ony Rambelo, tao aorian'ny fotoam-pivavahana ho fanomezam-boninahitra an'ilay Tsitoha tao amin'ny FJKM Imerintsiafindra Ambatomirahavavy dia nalevina tao amin'ny fasan-drazany eny an-toerana ihany izy. Nanotrona farany ny nofo mangatsiakany: ireo havana, tapaka sy namana, indrindra ny fianakaviamben'ny tontolon'ny serasera, amin'ny maha-mpanao gazety sy mpanentana fandaharana an'i Ony Rambelo fahavelony. Ny alakamisy hariva teo izy dia notoloran'ny fitondram-panjakana, ny mari-boninahitra chevalier de l'ordre national Malagasy, tao aorian'ny nahalasanany, na à titre posthume. Nitsapa alahelo ny fianakaviany koa talohan'io fotoanai, ireo mpanao gazety, mpanentana fandaharana, naman'i Ony Rambelo fahavelony. Namana, rahalahy, efa tonian-dahatsoraty ny gazety Valosoa Rambelo fahavelony. Mandria am-piadanana Ony Rambelo.

Ny Valosoa

## FANDAHARANASA ALUMNI ENRICHMENT INSTITUTE

## Tanora Malagasy sy Kaomôriana 4 voafantina hisitraka izany any Etazonia



Ireto tanora mpitarika, hanaraka fiofanana indray any Etazonia.

tanora Malagasy sy Kaomôriana miisa 4, no voafantina hisitraka ny fandaharanasa, ho an'ny tanora mpitarika any Etazonia. Voafantina hisitraka ny fandaharanasa Alumni Enrichment Institute (AEI), ny tanora Malagasy mpitarika miisa 3, sy ko-môriana iray, izay efa handray anjara tamin'ny YALI Mandela Washington Fellowship tamin'ny taon-dasa. Any amin'ny Universiten'i Georgie i Randrianononena Vony, no hisitraka io fandaharanasa io, raha toa ka ao amin'ny Universiten'i Washington i Rakotoarison Henintsoa Daniel, ao amin'ny Universite Drexel ao Philadelphia any Pennsylvania i Andriamananjala Heriniaina Zhita Irène, ary any amin'ny Universiten'i Texas, any Austin, i Ainchá Aboubakar Oumadi izay avy any Kaomôro.

Hisitraka ny fifampizarana any Etazonia mandritra ny 3 herinandro ireo tanora mpitarika ireo. Hanomboka anio 16 jolay, ka hatramin'ny 6 aogositra dia hiara-hiasa amin'ireo tanora Amerikana mpitarika izy ireo ary hampihatra izay noratoviny nandritra ny fiofanana YALI Mandela Washington tamin'ny taona 2021. Ny birao misahana ny fampianarana sy ny kolontsaina ao amin'ny Departementam-

panjakana Amerikana, no miandraikitra ity fandaharanasa ity, miaraka amin'ny fikambanana tsy miankina IREX. Ny Alumni Enrichment Institute dia mampitombo ny fifandraina eo amin'i Etazonia sy ireo firenena afrikana 49 aty atsimon'i Sahara, ho fanamasina ireo andrim-panjakana demôkratika, sy hanomezana vahana ny fitomboan'ny harin-karena ary hanatsara ny filaminana sy ny fandriampahalemana aty Afrika. Tafiditra ao anatin'ny fandaharam-potoana ny fandraisana sy ny fihaonana voalohany ao Washington DC, ny 16 ka hatramin'ny 22 jolay izao. Aorian'izay dia samy hamonjy ny toe-ram-piofanany mandritra ny tapa-bolana ireo mpandray anjara. Mandritra ny hetsika rehetra dia sady hanana fifandraina amin'ny Amerikana ireo mpandray anjara, no hanatsara ny fahaiza-manaony amin'ny alalan'ny fiofanana momba ny fihaiza-mitarika, ny fiana-rana, ary ny fampitomboana isa ireo olom-pantany. Sady ho afaka mitady vahaolana amin'ireo fanamby maika mila atrehany firenena niaviany avy izy ireo mandritra ny diany any Etazonia, no

hiaraka hiasa amin'ireo mpitarika Amerikana sy Afrikana hafa. Ankoatra ny fahaizana amam-pahalalana izay horatoviny dia handray anjara amin'ny fiainan'ireo fiarahamonna Amerikana izay hisy azy, ireo mpandray anjara ireo, amin'ny fanaovana asa iombonana sy ny fifikalozana ara-kolontsaina ary ny fifandraisana mivantana.

Ny fiofanana YALI Mandela Washington dia fandaharanasa any Deparmentam-panjakana Amerikana, izay vatsian'ny governemanta Amerikana vola ary tantanan'ny IREX. Isambilo

## TONONKALO

### Ho an-dRainilaingo sy ny tariny

Hay 'nareo hiaiky ihany ve ry tary mpisavoana  
Fa tsy afaka hampandroso noho ny trova sesehena ?  
Dia mba inona lazao no mbola antony hijoroana,  
Moa tsy tsara ve ny miala mba ho fanajana tena ?

Sa fitiavam-boninahitra no manery mba hirotsaka,  
Ary ny fitiavam-bola no mibahaha ao an-tsaina ?  
Miatoa ry tsy mahomby , mijanona ry kapotsaka,  
F'efa tena vaky vava hatramin'ny "tary mpanamaina" !

Mpanakanto maro izao no efa hita fa mivondrona  
Mba handà ny "fitsabahaha" mahazatra ny mpitondra,  
K'aza mifanahin-dalitra raha tsy hoe dia efa dondrona,  
Ary aza tia bontolo ka hanao « lohan'ampondra » !

Fa ny mety , tsotra ihany , 'ndeha ilaozy re ny lasy  
F'efa ampy ny efa-taona nitondrana firenena.  
Raha izao no mbola hitohy, vao mainka ho maro indray ny gasy  
Hanampy isa ireo mpangataka sy ireo mpatory an-tsena !

TSIMIMALO (15-07-22)

## PRIERE AU SACRE CŒUR



Que le Sacré Coeur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Coeur avec promesse de publication quand la faveur sera obtenue.

Remerciements au Sacré Coeur pour faveurs obtenues.

Fy R.

# An-tsary misongadina Ny Valosoa Vaovao

Helisoa, Rajo

Ny tafa nataon'ny ALDR-KMSI tamin'ny mpanao gazety tetsy Ambohijatovo omaly.



Ny fitokonana nataon'ireo mpitondcra sarety kodiaraby, tany Antanetibe Mahazaza distrikan'Ambohidratrimo.



Ny fanaovam-beloma farany ny nofo mangatsiakan'ny namana mpanao gazety Ony Rambelo, tany Ambatomirahavavy distrikan'Arivonimamo.



# An-tsary misongadina Ny Valosoa Vaovao

Helisoa

Ny filoha Marc Ravalomanana nitafa tamin'ny sokajin'olona maro samihafa, nandritra ny fankalazana ny fetim-pirenena Frantsay teny Ivandry.  
Nitafa tamin'ireo masoivoho vahiny, ny mpitonдра, ny mpanao politika, ny mpandraharaha, ny olon-tsotra,... niatrika izany fety izany.



LALAN'NY ATODY

## Nigrevy ireo mpitondra sarety kodiaramby

**N**itokona ireo sarety kodiaramby any amin'ny lalan'ny atody: Mahitsy Antanetibe Mahazaza, any amin'ny distrikan'Ambohidratrimo. Nanome fe-potoana ny kaominina sy ny tompon'andraikitra any antoerana, fa tokony ho soloina kodiarana fiara ny sarety kodiaramby. Teo amin'ny herintaona teo izay io naoty io no nivoaka. Betsaka no tsy na-nova, ka nandray andraikitra ny zandary sy ny kaominina, tsy namela handeha ireo izay tsy na-nova ny kodiarana, mba ho fikojana ny lalana. Dia ireo tsy nahavita na-nova no migrevy satria hoy izy ireo, tsy manambola ano-



Ireo sarety nitokona tany Antanetibe Mahazaza.

vana azy ho kodiarana fiara. Ny tompon-tsarety tsy manaihy ny tsy hamela azy ireo tsy andeha.


Vita tsara tokoa amin'izao fotoana ny lalan'ny atody, ka raha mbola havela handeha tokoa ny sarety

kodiaramby dia mety ho simba vetivety izany lala-ana izany.

Niaina

Tournoi Esport – Telma 2022

## Andiany voalohany amin'ny "Sport Electronique" Malagasy



Fifaninanana teny Andraharo.

nilaozana teo ny maha-ki-lalaon-jaza azy teo aloha. Ahitana sokajy 2 miavaka tsara ity taranja maoderina ity dia ao ny "partie mobile" ahitana ny PUBG, ka notolorana taratasim-bola nitentina 700.000 Ar

sy amboara lehibe ny ekipan'ny (Gascom Esport) mpandresy tamin'io, Call of Duty sy ny League of legends Wild Rift, izay notolorana taratasim-bola 400.000 Ar, sy amboara iray kosa ny ekipan'ny

(Excelsior Esport) mpandr esy tamin'io, ny "console sur PS4" ahitana FIFA 22, Tekken 7, Guilty Gear Strive ary ny Street fighter V, izay notolorana medaly tsirairay avy ireo mendrika taminy sady nahazo taratasim-bola 350.000 Ar sy 200.000 Ar, 120.000 Ar, 50.000 Ar, 40.000 Ar ary 30.000 Ar ihany kosa.

Marihana fa efa vita aradalàna ny soniam-pifanaraha amin'ny hanohanan'ny Telma ny hetsika rehetra, ho karakarain'ny Excelsior Esport tamin'ny fanolorana "fibre optique", nandritra ny fifaninanana manontolo.

Rainilita

Ecoova

## Hamoaka mpiofana zaitra sy lamaody miisa 370 manerana ny Nosy



Zaitra sy lamaody, anisan'ny vitan'ny mpianatry ny Ecoova.

hana lamaody "Tendance" na lamaody "Traditionnelle". Nanamafy Ramatoa Razanamanalina Volana, fa tsy hitsahatra hanenjika lamaody foana ny olona na dia efa milanja miakatra ny fainana noho izany fidiram-bola malaky ho an'hy olona iray ny mandranto fianarana zai-

tra eny amin'ireo ivon-toe-ram-piofanana Ecoova miisa 24 manerana ny nosy ary tsy sahirana mitady fivelomana ny olona nahavita fiofana rehefa miditra amin'ny tontoloni'ny asa. Mbola mitohy ny "Promotion" ho an'ny fampianarana zaitra sy lamaody "Cours de vacances" ao amin'ny Ecoova ary misy ihany kosa ny "Cours Rapide", izay maharitra 3 volana

izay samy hahazoan'ny mpiofana "Machine" mai-maimpoana avokoa aorian'ny fotoam-pianarana. Marihina fa hitety faritra hamoaka an'ireo mpianatra Ecoova ambiny nahavita fiofana ny tompon'andraikitra aorian'izao hetsika izao ary hotantehrina amin'ny andro zoma isaky ny herinandro izany famoahana mpianatra zaitra izany.

Franck Razakambelo

## Taratasin'ny mpamaky

Taratasy ampitaina amin'ny gazety Ny Valosoa Vao-vao izao manaraka izao, mahakasika tranga misy aty Mahajanga.

Nanao fanangonam-bola tany Tanà ny MCC hoe hanamboarana ny Maison des Maires aty Mahajanga, tamin'ny volana desambra 2021. Tsy nisy fifampire-sahana t@ CM Mahajanga anefia io, fa natao bontolo fa mihevitra ho tompon'i Madagasikara. Taorian'ny fanangonam-bola vao niresaka t@ CM Mahajanga. Tsy nanaiky hatramin'ny farany izy ireo ny hikitihany'ny Mcc ity Maison des Maires ity. Natao aiza ireo vola be voaangona? Ara-dalàna ve izany fanangonam-

Morondava

## Tratra ilay namono olona tamin'ny fomba feno habibiana

Tratra ilay namono olona tamin'ny fomba feno habibiana tany Morondava faritra Menabe farany teo. Vokatry ny fanadihadhana natao sy ny antso avo na-taon'ny polisy dia ny alatsinainy ihany dia hita ireo vary 13 gony, very nandritra ny fanafihana niaro vono olona sy fanolanana, satria dia hita nandritra ny fitsirihana natao fa voaolana koa ilay tovovavy maty, satria dia tsy nisy na dia takon-kenatra aza ilay tovovavy maty. Nisy mpamilin'ny taxi brousse mampifandray an'i Mahabo sy Morondava nilaza fa ny alatsinainy maraina dia nisy tovolahy nampiakariny izay nitondra vary niala teo amin'ny toerana nisian'ny fanafihana ary mbola io tovolahy io, no nanidy ny vavahadin'ny dépôt avy aty ivenany ary rehefa hiditra an'i Bemanonga dia nitsambikina nivoaka ity tovolahy ity, satria dia efa nisy ireo polisy nanao PR teo, ka izay no nitsolahany rehefa nohenjehin'ireo polisy ity tovolahy ity fa tafaporitsaka ihany ary nitohy ny fikarohana azy. Ilay vary kosa dia efa tany Mahabo no niverina ary teo vao fantatry ny mpamili, fa ilay zalahy nitoaka tany Bemanonga kay no tompon'ny vary ka niantso ny mpitandro ny filam-nana avy hatrany izy ireo.

Ny talata faha 12 jolay, no tratran'ny polisy ny tovolahy iray, izay efa nokarohan'ny polisy efa hatramin'ny volana january tamin'ny resaka fangalarana kisoa, ka nandritra ny fanadihadiana sy ny fampifanatrehana natao teo amin'ireo vavolombelona dia ny mpamili sy ny mpanampy azy izay mahay tsara fa ity tovolahy ity dia ilay tompon'ireo vary nentin'izy ireo ary ny polisy izay nanenjika azy dia nahatadidy tsara koa, fa ilay no-henjehiny tamin'ny alatsinainy maraina teny Bemanoga ity.

Ankoatran'ny fanadihadiana atao amin'ny dia nadihadiana amin'ny resaka vakitrano, izay narahina vono olona sy herisetra koa Zafiraza, izay tovolahy vao 23 taona monja nefo dia efa hikoizana amin'ny asa ratsy toy izao.

Hatolotra ny fampanoavana moa izy ary mbola mitohy kosa ny fanadihadiana hamongorana tanteraka ireo namany, hoy ny officier de police Rosko Benjamin, izay chef de police judiciaire ato Menabe, nandray antanana ity raharaha ity.

Hatreto dia hita sy tsapa fa mirongatra ny mpanao ratsy raha ny eto Morondava, vokatry ny delestage ; mitaraina koa ny vahoaka satria dia nisy ny famonoana alika faobe nefo tsy nisy ny famentanana, ka maro ireo olona izay miompy alika no mitaraina satria ny jiro voinoina izay maty amin'ny 5 ora hariva ka tsy velona ratsy amin'ny 7ora maraina dia izao indray dia novonoika koa ny alike, mba hataon'olona mpiaro amin'ny olondratsy amin'ny alina. Ny filoham-pokotany moa dia efa tsy mahavita ny andraikiny intsony, satria efa variana manatanteraka ny baiko politikan'ireo mpitondra TGV, satria dia tratran'ny trindry.

Rajepa



Ilay jiolahy raindahiny tratra tany Morondava.

bola izany ? Mba misy manara-maso ve ny fitantanam-bola ao @ ity Mcc ity? Sa matahotra an'i Ramatoa minisitra ny IGE, ka manao izay tiany atao ity mpitondra tenin'ny governemanta ity amin'ny fitantanana ny volam-bahoaka? Izao mbola manao "racket" @ fomba mihaja izao.

Dia tsy mahalala izany ve Rajoelina sy Ntsay sa sao kopaka isasahaha? Nogadraina mihitsy moa ny Pdt CM Mahajanga. Misy ifandraisany ve ity resaka fandavana sy fanagadrana ity?

R. Ignace  
Amborovy- Mahajanga

# Mpiandry rahahaha

PHARMACIES DE GARDE  
16/07/2022 hatramin'ny  
23/07/2022

- **TSARA** (Andavamamba, route pavée) 020 22 347 12/034 21 111 14
- **DE LA PERGOLA** (Antaninanenina) 020 22 237 17 / 034 19 733 95 / 033 51 510 70/032 58 835 49
- **HERIZO** (Antanimena face Eglise Catholique) 020 22 697 22
- **ITOKIANA** (Manakambahiny) 020 22 322 64/034 84 322 64
- **RABARISOA** (Andravoahangy près BOA ex imm SOLOPRIX) 020 22 229 86/034 07 229 86

HJRA (urgences) :  
033 11 890 58 /  
22 279 79

HOMI Soavinandriana :  
22 397 51

Hopital Befelatanana :  
22 223 84 / 22 6 N72 21

Hopital Loterana Ambohibao :  
22 441 88 / 22 485 17

Clinique des Soeurs Ankadifotsy : 22 235 54

Ambulances municipales :  
22 200 40  
Jirama:  
Telma : (22)3547 (n° vert) /  
Airtel : 033 45 47 /  
Orange : 032 32 3547

Pompiers :  
Tél : 118/ 22 250 18/  
22 225 66

Police :  
Hôtel Central de Police :  
17 / 22 227 35 / 22 357 09

1° Arrondissement Tsaralalana : 22 280 54  
2° Ambohibao : 22 309 46  
3° Antananarivo : 22 291 30  
4° Isotry : 22 280 51  
5° Mahamasina : 22 280 48  
6° Ambohimaranina : 22 225 52  
7° 67 Ha : 22 291 29  
8° Analahantisy : 22 493 25  
Brigade criminelle :  
22 216 78 / 22 210 29 /  
22 674 83 na 84

GIR : 22 227 35

Gazetim-baovao miseso  
intelo  
isan-kerinandro  
Vidiny: 300 Ar  
Adiresy: lot T 70 Ankadindrantombo

**TALEN'NY FAMOAHANA :**  
Rahelisoa A.  
034 79 07600

## MPANAO GAZETY

**Politika:**  
Isambilo: 033 24 783 65  
Rajo: 033 80 022 53  
Andry Tsiavalona 032 07 744 55

**Toe-karena :**  
Aly : 033 18 382 88

**Kolontsaina:**  
Aris: 034 17 460 53  
Beharo : 032 02 557 89

**Fanatanjahantena:**  
Lita: 033 41 557 69

**Mailaka:**  
gvalosoa@yahoo.com  
**NATONTAN'NY**  
Imprimerie de la RN7

Fametrahana 1320-07-2022  
Isan'ny natonta: 10 000

Tsy azo adika, na alain-tahaka,  
na antsantsa amparahibemaso  
raha tsy ahamoana alalana vita  
soratanana avy amin'ny  
tompony

## FITATERANA AN-DRENIVOHITRA

# Tsy handoa hetra ireo taksi afaka herinandro

Tsy handoa hetra ireo taksi eto an-drenivohitra mivondrona ao amin'ny FTAR (Fikambanana Taksi Antananarivo Renivohipitra), raha tsy foana ireo taksi-moto afaka herinandro. Nambaran'izy ireo fa manome fe-potoana herinandro ny fanjakana ny Fikambanana'ny Taxi eto Antananarivo Renivohipitra hanafoanana ny Taxi-moto. Tsy handoa hetra intsony izy ireo raha toa dila io fe-potoana io, ka tsy misy fandraisana andraikitra. Vola manodidina ny 160000 Ar isan-taona eo, no aloan'ny taxi iray amin'ny fandraisana anjara amin'ny fandoavan-ketra, sy ireo taratasy ahafahan'izy ireo miasa ara-dalana. Ireo taksi-moto anefa hatreto dia sady tsy mandoa hetra, no mampahahy be ihany ny fandraisana azy, satria misy amin'izy ireny no tsy azo antoka fa olon-dratsy, ka ilana fitandremana ny fampiasana azy. Na izany na tsy izany, mahavony amin'ny famonjena fotoana izy ireny, ka tokony ho jeren'ny tompon'andraikitra akaiky sy lalina ny famahana ny olan'ny taksi, sy ny taksi-moto izao.

Stefy




Mizaka ny tsy eran'ny ainy ny taksi eto Antananarivo Renivohipitra.

BEHARO

## Teny tondro (Ny Valosoa Vaovao)

N° 399



Misy ny teny Malagasy ofisialy sy ny tenim-paritra

Ohatra : Valy = Vady

## Valiny Teny Tondro (0398)

### Mitsivalana

- Ny – Nao (miv)
- Sambatra
- Ena – Iray
- Namana
- Doany – Vy

### Mitsangana

- - Sendika
- Goaika
- Vita (miv)
- Soava(ly)

Fitaterana Ambohitrimanjaka

## 900 Ar ny saran-dalana, mihena ny risipon'ny olona mandeha taksibe

Tokony hamorain'ny fitondram-panjakana ny famivelarana ny sehatr'asa fiveloman'ny vahoaka, mba hahafahan'ireto farany miatrika ny fiakaran'ny vidim-piaianana hoy Andriamatoa Randriamanalintsoa Ihajason, Ben'ny tanànan'ny Kaominina Ambanivohitra Ambohitrimanjaka distrikan'Ambohidratrimo. Nanohy fanazavana ity olom-boafidy ity, fa tsy nisy fisondrotan'ny vidin'ny solika mananika ny 50% hatramin'izay nijoroan'ny firenena ary mbola hampiton-gana ny toe-karena ny fiantraikan'ny fiakaran'ny sandam-bola dolara, satria manafatra entana avy any ivelany amin'ny alalan'io vola io avokoa ny mpandrahahara. Nananafy ny Ben'ny tanànan' Ambohitrimanjaka, fa ankoatran'ny fijerena ny sialim-bahoaka dia tokony ho vahan'ny fitondram-panjakana ny fandrahahana madinika sy ny salantsalany, ao anatin'izany ny fanohanana an'ireo orin'asa "Zones Franches" eny Talatamaty sy Ivato ary Ambohidratrimo

Ny ben'ny tanànan' Ambohitrimanjaka.



eo amin'ny fitaterana ny mپiasa, satria mafy ho an'ireto farany ny miatrika ny fiakaran'ny saran-dalana. Nanohy fanazavana ity olom-boafidy ity, fa nihena ny fahavirihany ny mponin'Ambohitrimanjaka mandray "Taxi-be" mankany an-drenivohitra manao asa an-tselyka, taorian'ny fiakaran'ny saran-dalana ary nihena ny fivezivezen'ny olona maka entana. Nilaza ny Ben'ny tanàna, fa tokony hamafisin'ny Ministeran'ny varotra ny fanarahamaso momban'ny entana ilaina amin'ny fiainana andavanandro, satria alaim-

panahy hampiakatra ny mپiasa, satria mafy ho an'ireto farany ny miatrika ny fiakaran'ny saran-dalana. Nanohy fanazavana ity olom-boafidy ity, fa nihena ny fahavirihany ny mponin'Ambohitrimanjaka mandray "Taxi-be" mankany an-drenivohitra manao asa an-tselyka, taorian'ny fiakaran'ny saran-dalana ary nihena ny fivezivezen'ny olona maka entana. Nilaza ny Ben'ny tanàna, fa tokony hamafisin'ny Ministeran'ny varotra ny fanarahamaso momban'ny entana ilaina amin'ny fiainana andavanandro, satria alaim-

Franck Razakambelo

## TENY MIFANAPAKA

N° 399

A	B	D	E	F	G	H	I	J	K
1									
2									
3									
4									
5									
6									
7									
8									
9									
10									

### Mitsivalana

1. Valamparhy hoy ny Mpanjaka 2. Biby fiompinao 3. Zanatsoratra tsy misy lohany – Matanjaka 4. Tsy mora vidy (BR) – Nodimandy, niamboho 5. Biby mpiady 6. Sakafon-jaza 7. Lavitra hita maso – Kilalao misy vola (miv) 8. Tsy lavitra – Tanana (miv) 9. Lakroa – Ao amin'ny sira – Kianteny 10. Nisintaka – Matoanteny

### Mitsangana

A. Olon-droa – Tsofoka B. Ao amin'ny Baiboly (miv) – Kitaponoifonosana D. Matetika ao amin'ny Ekar – Ketrona, valona E. Maneho fotoana – Hoho tapaka – Mena lalandava (miv) F. Fomba rehefa misy maty G. Lavitra tsy hita maso – Asio, ataovy, men na manga H. Mampisafidy – Fitsaboana ihany koa I. Mpanondro – Misy ny mpitari-dálanja (miv) J. Taova – Tovona K. Miaraka amin'ny aroa – Tsy tsarana


## Valiny Teny mifanaraka 0398

### Mitsivalana

- Makorelina B. (V)ary – Ia – Tia (miv)
- Nirehitra 4. Ronono (miv) 5. Dina – Ray 6. Tay (miv) – If 7. Androany 8. Nay (miv) – Totoy (miv) 9. Niandry – Ti (miv) 10. (Z)at(o) – Riaka

### Mitsangana

- Manodidina B. (V)ary – Ia – Tia (miv)
- Korontana E. Omena – RN (miv)
- OH (miv) – Adidy G. Enina – Rora
- Loto – Potik(a) I. RRR – Ao J. Noa – (M)ainty K. Ma (miv) – Nify – Tv



## NY TENY FIANANA

"Toroy ny hendry, dia hihahendry izy; ampianaro ny marina, dia hitombo saina izy."

Ohabolana 9:9

## Sakafo Ny Valosoa



Akoho sy ovy indray, no laoka amin'ny Sakafo eto amin'ny gazetinao androany. Andrahoina miaraka izany, na endasina ny ovy dia endasina koa ny akoho dia hakambana avy eo. Tsara raha hasiana lasary karaoty sy ro matsatso anana miaraka aminy. Dia mazotoa homana tomoko.

## FIFANINTSANANA CHAN 2022

## Mpitsara Malagasy 4 no voatendry hitsara lalao

Mpitsara Malagasy 4 mirahalahy, no voatendry hitsara ny lalao hifanandrinan'i Zimbabwe sy Malawi, amin'ny fifanintsanana CHAN 2022 eo amin'ny baolina kitra, izay hatao amin'ny zoma 29 jolay 2022 ho avy izao dia i :

- Tsimanohitsy Ibrahim Ben : mpitsara afovoany,
- Andriatinarivelio Dimbinaina : mpitsara mpanampy 1,
- Velomanana Ferdinand Jinoro : mpitsara mpanampy 2,



Ireo mpitsara Malagasy 4 mirahalahy.

- Abdoul Ohabee Kanoso : mpitsara faha 4. Tsiahivina ho an'i Madagascarika, fa amin'ny sa-

botsy 23 jolay 2022 izao, amin'ny 5ora hariva, no hikatoka amin'i Seychelles eo amin'ny lalao mandroson'ity fifanintsanana ity, ho tanterahina any amin'ny kianja "St Pierre-Cote D'or National Sports" any Maurice.

Ny lalao famerenana kosa dia ho tanterahina etsy amin'ny kianja Barea Mahamasina amin'ny alahady 31 jolay 2022 amin'ny 4 ora tolakandro.

Rainilita

## FMF

## Mbola handefa « Consultants techniques » indray ny FIFA

Namita iraka teto anivon'ny Federasiona Malagasy ny Baolina Kitra (FMF) ny Fifa ny 12, 13 ary 14 jolay 2022. Niompana indrindra amin'ny fanampiana ny Federasiona amin'ny fanohipana ny raharaha rehetra, indrindra fa eo amin'ny sehatry ny fitantanana, hatrany amin'ny fanatanterhana ny fefidiana ho an'ny taom-pitantanana ho avy izany fitsidihana izany.

Nambaran'ny SG-ny FMF tararesaka an-telofaonina taminay, fa efa eo am-pandaminana ny fanampiana avy amin'ny FIFA ry zareo ankehitriny ary saika efa milamina tsara avokoa ny mikasika ny eo anivon'ny FMF manontolo raha atao bango



FIFA sy ny FMF teny Isoraka.

tokana. Marihina fa mbola handefa "consultants techniques" maromaro eto amintsika indray ny FIFA,

manomboka amin'ny volana aogositra hatramin'ny volana desambra 2022, ho fanampiana ny Federasiona amin'ny fa-

natanterahina ny politikan'ny fampandrosoana ny baolina kitra Malagasy.

Rainilita

## NY VALOSOA sy Mahaso

## Ny soa azo avy amin'ny voana mahabibo na noix de cajou



Ny soa azo avy amin'ny voana mahabibo na noix de cajou indray, no Mahaso eto amin'ny gazetinao androany. Misy Vitamine B6, Vitamine C, Sodium, magnesium, potassium, Proteine, vy na fer ny voana mahabibo. Miaro amin'ny tsy fahampiana rà izy. Tsara ho an'ny lehilahy. Tsara ho an'ny hoditra. Tsara ho an'ny volo. Tsara ho an'ny maso. Tsara ho an'ny saina. Manamafy taolana. Manampy amin'ny fanalana tavy. Tsara ho an'ny diabetique. Mampatanjaka ny hery fiarovana. Tsara ho an lalan-drà sy ny fo. Mampilamina tosi-drà.

## NY VALOSOA sy Mahaliana

## Ny tanànan'Ambohijanahary any amin'ny distrikan'Amparafaravola faritra Alaotra Mangoro



Ny tanànan'Ambohijanahary any amin'ny distrikan'Amparafaravola faritra Alaotra Mangoro indray, no Mahaliana eto amin'ny gazetinao androany. Renivohitry ny kaominina Ambohijanahary ity tanàna ity, iray amin'ireo kaominina miisa 13 mandrafitra ny distrikan'Amparafaravola. Any afovoany avaratry ny faritra Alaotra Mangoro no misy. Efa azo lazaina ho avo toerana izy, satria772 m ny haavony miohatra amin'ny ranomasina. Vokatra any ny vary, ny anana isan-karazany; ny hankotrana samihafa: toy ny mangahazo, ny katsaka, ny vomanga. Mpiompy akoho amam-borona koa ny any Ambohijanahary.

## Rugby

## Nahazo Coach Japonnais iray ny Makis vehivavy

Nahazo "Coach volontaire Japonnais" iray napetraky ny « JICA Madagascar », hanazatra an'ireo ekipam-

pirenena rugby vehivavy eto amintsika i Japon. Nisongadina izany tamin'ny fitsidihana nataon'ny am-

badaoron'i Japon eto Madagascarika sy any Comores, Yoshihiro Higuchi, sy ireo mpiara-miasa ami-

ny ary koa ny « management de la Japan International Cooperation Agency (JICA), teny amin'ny kianja Makis Andohatapenaka tamin'ny alakamisy 14 jolay 2022 lasa teo. Tafiditra indrindra ao anatin'ny programma « Programme d'aide et de coopération entre l'ambassade du Japon à Madagascar, la JICA Madagascar et Malagasy rugby pour le développement de la haute performance des équipes du système Makis de Madagascar » izany fitsidihana izany. Nitarika ny fandraisana ny vahiny teny Andohatapenaka ny filohan'ny Malagasy Rugby, Rakotomalala Marcel Joseph.

Rainilita



My Ambasadaoroni Japon, nitsidika ny Makis vehivavy.